



(НАМУНА)

-сонли ЛИЗИНГ ШАРТНОМАСИ

ш.

20 ____ йил «____» _____

Кейинги матнда «Лизинг берувчи» деб юритиладиган АТБ «InfinBank» номидан асосида ҳаракат қилувчи _____, бир томондан, ва

кейинги матнда «Лизинг олувчи» деб юритиладиган _____ номидан _____ асосида ҳаракат қилувчи _____, иккинчи томондан, биргаликда «Томонлар», алоҳида эса «Томон» деб юритилувчилар ушбу Лизинг шартномасини қуидагилар түғрисида туздилар:

I. ШАРТНОМА ПРЕДМЕТИ

1.1. Ушбу Шартномага биноан Лизинг берувчи Лизинг олувчининг аризасига мувофиқ ушбу Шартноманинг 1-сонли Иловасида кўрсатилган лизинг обьектини сотиб олиш ва Лизинг олувчига лизингга бериш, Лизинг олувчи эса уни Лизинг берувчидан лизингга қабул қилиш ва Лизинг берувчига ушбу Лизинг шартномасининг шартларида белгиланган тартибда, шу жумладан ушбу Шартноманинг 2-сонли Иловасида кўрсатилган лизинг тўловларини тўлаш мажбуриятини ўз зиммасига олади.

2. Таърифлар

2.1. Ушбу Шартнома доирасида томонлар қуидаги асосий атамаларни қўллашга келишиб олишди:

2.1.1. **Лизинг:** Шартнома тузатган Томонлар лизинг деганда, бир тараф, Лизинг берувчи, иккинчи тарафнинг, Лизинг олувчининг топшириғига биноан учинчи тарафдан, Сотувчидан (етказиб берувчидан) ушбу Лизинг шартномасида шартлашилган мол-мулкни (лизинг обьектини) мулк қилиб сотиб олишни ва уни шу Шартномада белгиланган шартларда ҳақ эвазига, муддатга ва шартларда эгалик қилиш ва фойдаланиш учун Лизинг олувчига беришни назарда тутадиган операцияни тушунадилар.

Бунда лизингнинг бутун муддати давомида лизинг обьекти Лизинг берувчининг мулки сифатида қолади.

2.1.2. **Лизинг обьекти:** ушбу Шартноманинг 1-сонли Иловасида кўрсатилган мол-мулк.

2.1.3. **Лизинг берувчи:** Лизинг олувчига лизингга топшириш мақсадида лизинг обьектини сотиб оладиган ва лизинг обьектига эгалик ҳуқуқига эга бўладиган АТБ «InFinBank».

2.1.4. **Лизинг олувчи:** ушбу Шартномада белгиланган муддатга лизинг обьектини ушбу Шартномада кўрсатилган лизинг шартларида, кейинчалик лизинг обьекти эгалик ҳуқуқи асосида ўтиши асосида фойдаланиш учун олаётган _____.

2.1.5. **Лизинг муддати:** Лизинг олувчи томонидан Лизинг Объекти эгалик қилишга ва фойдаланишга (лизингга) қабул қилинаётган вақт муддати. Лизинг муддатини ҳисоблаш Лизинг берувчидан Лизинг олувчига Лизинг обьектини лизингга топшириш-қабул қилиш далолатномаси санасидан бошланади ва бу муддат лизинг обьектини лизингга топшириш-қабул

қилиш Далолатномаси имзоланган ойидан кейинги ойнинг биринчи кунидан бошлаб ҳисобланадиган _____ (_____) тўлиқ календар ойидан кейин якунланади.

2.1.6. Лизинг тўловлари: Лизинг олувчи томонидан Лизинг берувчига бутун лизинг муддати давомида ушбу Шартномада, шу жумладан ушбу Шартноманинг 2-сонли Иловасида кўрсатилган муддатларда ва миқдорда, йиллик _____ % ҳисобидан тўланиши лозим бўлган пул суммаси. Лизинг тўловларининг тўлиқ суммасини тўлаш ушбу Шартнома шартларига асосан Лизинг олувчининг ташаббуси билан ёки Лизинг берувчининг талабига асосан муддатидан илгари амалга оширилиши мумкин.

2.1.7. Лизинг маржаси: Лизинг олувчининг лизинг тўловининг бир қисми бўлган даромади.

2.1.8. Етказиш бериш шартномаси: Лизинг берувчи билан Етказиб берувчи ўртасида лизинг обьектини етказиб беришга тузиладиган шартнома. Томонларнинг ўзаро келишувига кўра Етказиб бериш шартномаси Лизинг олувчи томонидан ҳам имзоланиши мумкин.

2.1.9. Лизинг обьектиning базавий қиймати (асосий қарз): ўз ичига лизинг обьектиning Лизинг берувчи томонидан етказиб бериш/импорт контракти бўйича Етказиб берувчи/Сотувчига тўланадиган қийматини олади.

2.1.10. Лизинг берувчи томонидан тўланадиган, лизинг обьектини сотиб олиш ва етказиб бериш (лизинг обьектини божхона расмийлаштируви, сертификатлаштириш, давлат рўйхатидан ўтказиш ва ҳ.к.) билан боғлиқ бўлган бошқа қўшимча ҳаражатлар ҳамда лизинг обьектини ишчи ҳолатга келтириш билан (монтаж, созлаш, Лизинг олувчининг ходимларини ўқитиш ва ш.к.) боғлиқ бўлган бошқа ҳаражатлар Лизинг берувчи томонидан тақдим этилган ҳисобга мувофиқ қоплаш тўғрисида ҳисоб тақдим этилган кундан бошлаб 10 календар куни давомида Лизинг олувчи томонидан қопланади.

2.1.11. Томонларнинг келишувига кўра 2.1.10. –б.да кўрсатилган товонлар суммаси тегишли қўшимча келишув тузиш орқали лизинг обьектиning базавий қийматига қўшилиши мумкин.

3. Лизинг обьектини етказиб бериш шартлари

3.1. Лизинг берувчи Лизинг олувчининг топшириғига биноан алоҳида Етказиб бериш Шартномаси шартларида Етказиб берувчидан лизинг обьектини сотиб олади.

3.2. Ушбу Шартнома бўйича лизинг обьектиning Етказиб берувчиси қуйидагидир:

Номи: «_____».

Етказиб берувчининг манзили ва Банк реквизитлари: _____.

3.3. Лизинг берувчи Етказиб берувчини ундан сотиб олинаётган мол-мулк Лизинг олувчига ишлатиш (фойдаланиш) учун топшириладиган лизинг обьекти бўлиши ва Лизинг олувчи Лизинг берувчи билан тенг Етказиб берувчи билан Лизинг берувчи ўртасида тузиладиган Етказиб бериш Шартномаси бўйича Етказиб берувчига нисбатан даъво-талаблар қўйиш ҳуқуқига эга бўлиши ҳақида хабардор қилади.

3.4. Лизинг олувчи Етказиб берувчи томонидан Етказиб бериш Шартномаси шартларига мувофиқ лизинг обьекти, шу жумладан лизинг обьектидан фойдаланиш бўйича техник йўриқномалар етказиб берилишини таъминлаш мажбуриятини ўз зиммасига олади.

3.5. Лизинг олувчи лизинг обьекти Етказиб берувчи томонидан Лизинг олувчи белгилайдиган тайинланган жойгача (Лизинг берувчининг ёки Етказиб берувчининг омборхонаси, ёки лизинг обьекти «эркин муомала» божхона тартибига (режимиға) чиқарилгунга қадар сақланадиган Ўзбекистон Республикасининг божхона ҳудуди/божхона омборхонаси ва ш.к.) етказиб берилишини таъминлайди. Лизинг обьектини тайинланган жойгача, Лизинг олувчи томонидан доимий фойдаланиладиган (монтаж, созлаш ва ш.к.) жойгача етказиб бериш, ушбу Шартноманинг 3.18-бандида ўзгача қоида кўрсатилган бўлмаса, Лизинг олувчи томонидан мустақил ва унинг ҳисобидан амалга оширилади.

3.6. Лизинг олувчи лизинг объектини монтаж қилиш ва созлаш ҳамда ходимларни ўқитиши бутун вақтига лизинг объектини сақлаш учун барча керакли хоналарни, лизинг объектини монтаж қилишга тайёрланган ва барча зарурий муҳандислик-техник коммуникациялар ўтказилган барча майдонча ва хоналарни тақдим этиш мажбуриятини ўз зиммасига олади.

Ушбу Шартнома кучга кирган санага юқорида кўрсатилган хоналар ва майдончалар тўлиқ тайёр ҳолатда бўлиши лозим.

3.7. Лизинг обьекти Лизинг олувчи томонидан дастлабки қабул қилиниши Лизинг олувчи, Лизинг берувчи ва имкон қадар Етказиб берувчининг вакили ўртасида лизинг объектини сақлаш учун топшириш-қабул қилиш Далолатномаси билан расмийлаштириллади ва бу хужжат лизинг обьекти Етказиб бериш Шартномасига мувофиқ лизинг объектини монтаж қилиш ва созлаш ҳамда ходимларни ўқитиши бутун вақтига Лизинг олувчи томонидан қабул қилинишини қайд қиласди. Дастлабки қабул қилиш ушбу Шартноманинг 3.5-бандида кўрсатилган тайинланган жойда амалга ошириллади. Лизинг обьектини сақлаш учун топшириш-қабул қилиш Далолатномасида лизинг обьектининг қабул қилиш жараёнида аниқланган нуқсонлари акс эттирилиши мумкин.

Етказиб бериш Шартномасига мувофиқ лизинг обьектини монтаж қилиш ва созлаш ҳамда ходимларни ўқитиши бўйича барча керакли ишлар амалга оширилгандан сўнг лизинг обьектини фойдаланишга тушириш Далолатномаси расмийлаштириллади ва унда лизинг обьекти тўлиқ тўпламда етказилганини ва Етказиб бериш Шартномасида ва ушбу Шартномада назарда тутилган техник-иктисодий кўрсаткичларга мувофиқ эканлигини тасдиқлайди. Лизинг обьектини фойдаланишга тушириш Далолатномаси Лизинг олувчи, Лизинг берувчининг вакиллари ва, зарур бўлганда, Етказиб берувчининг вакили томонидан имзоланади.

Лизинг обьектини фойдаланишга тушириш Далолатномасига асосан Лизинг олувчи ва Лизинг берувчи ўртасида лизинг обьектини лизингга топшириш-қабул қилиш Далолатномаси имзоланади ва бу далолатнома лизинг обьекти Лизинг олувчи томонидан Лизинг берувчидан ушбу Шартнома шартларида унга вақтинчалик эгалик қилиш ва фойдаланишга қабул қилинганини билдиради.

Лизинг обьекти ўзининг техник ва функционал сифатлари бўйича лизинг обьектини монтаж қилиш ва созлаш бўйича ҳамда ходимларни ўқитиши бўйича маҳсус ишлар бажарилишини талаб қилмаган тақдирда, Лизинг берувчи ва Лизинг олувчи ўзаро келишилган ҳолда юқорида кўрсатилган Лизинг обьектини сақлашга топшириш-қабул қилиш Далолатномаси ва Лизинг обьектини фойдаланишга тушириш Далолатномаси кабилар дастлаб расмийлаштирилмаган ҳолда фақат Лизинг обьектини лизингга топшириш-қабул қилиш Далолатномасини расмийлаштириш билан кифояланиши мумкин.

3.8. Лизинг обьектини қабул қилиш жараёнида аниқланган нуқсонлар Лизинг обьектини фойдаланишга киритиш Далолатномасида ва Лизинг обьектини лизингга топшириш-қабул қилиш Далолатномасида акс эттириллади. Бунда Лизинг олувчи аниқланган нуқсонлар Етказиб бериш Шартномасида кўрсатилган муддатларда ва шартларда Етказиб берувчи томонидан бартараф этилишини ёки лизинг обьектининг тузалмайдиган нуқсонли қисмлари алмаштирилишини таъминлайди.

3.9. Етказиб берувчи ва лизинг обьекти Лизинг олувчи томонидан мустақил танланганлиги муносабати билан Лизинг олувчи лизинг обьектини қабул қилишни рад этиш ҳуқуқига эга эмас. Қабул қилишни бундай рад этиш ҳолатида Лизинг олувчи Лизинг берувчига лизинг обьектининг тўлиқ қийматини ҳамда сотиб олиш, транспортда ташиш, суғурта қилиш, божхона божларини, воситачилик ҳақларини, фоизларни тўлаш билан боялик сарф-харажатларни ва бошқа ҳаражатларни қоплаб бериш мажбуриятини ўз зиммасига олади.

3.10. Лизинг обьекти Лизинг олувчи томонидан лизингга қабул қилиниши Лизинг обьектини фойдаланишга тушириш Далолатномаси расмийлаштирилган вақтдан бошлаб 3 (уч) календар куни ичida Лизинг обьектини лизингга топшириш-қабул қилиш Далолатномаси билан

расмийлаштирилиши керак. Лизинг олувчи кўрсатилган муддатда Лизинг обьектини лизингга топшириш-қабул қилиш Далолатномасини имзоламаган бўлса ва шу вақт давомида ушбу Шартноманинг 3.9-бандига мувофиқ Лизинг берувчига лизинг обьектини қабул қилишни рад этиши ҳақида хабар бермаган бўлса, лизинг обьектини Лизинг берувчидан Лизинг олувчига топшириш-қабул қилиш амалга оширилган хисобланади.

3.11. Лизинг олувчи лизинг обьектига тегишли барча даъво-талаблар билан мустакил равишда тўғрима-тўғри Етказиб берувчига мурожаат қиласди.

3.12. Томонлар лизинг обьекти Лизинг олувчига Лизинг обьектини лизингга топшириш-қабул қилиш Далолатномаси имзоланган вақтдаги ҳолатда топширилган деб ҳисоблашади.

3.13. Лизинг обьекти монтаж қилиш ва созлаш, Лизинг олувчининг ходимларини ўқитиши Етказиб бериш Шартномаси доирасида ва, агар етказиб бериш шартномасида бундай шартлар белгиланган бўлса, унинг шартлари асосида Етказиб берувчининг вакиллари томонидан ёки унинг иштирокчилари иштироқида амалга оширилади.

Лизинг олувчи ушбу банд бўйича ишлар Етказиб берувчи томонидан белгиланган муддатларда ва тегишли сифатда бажарилишини таъминлайди. Мазкур ишлар Лизинг олувчининг айби билан Етказиб берувчи томонидан бажарилмаган ёки уларни бажариш имконияти бўлмаган тақдирда, Лизинг берувчи ушбу ишлар бажарилиши учун жавобгарликни ўз зиммасига олмайди ва Етказиб берувчи томонидан Лизинг берувчига улар ўртасида тузилган Етказиб бериш шартномаси бўйича мазкур ишларни амалга ошириш бўйича мажбуриятлар бажарилмагани учун қўйилган жарималар суммасини Лизинг олувчиidan талаб қилиб олиш хукуқига эга бўлади.

3.14. Лизинг обьекти Етказиб берувчиidan Лизинг олувчи ва/ёки Лизинг берувчи томонидан қабул қилиниши Етказиб бериш шартномасида кўрсатилган тартибда амалга оширилади. Лизинг обьекти монтаж қилиш ва созлаш жараённида унинг тўплами тўлиқ эмаслиги ва/ёки нуқсонли ва/ёки Етказиб бериш шартномасида кўрсатилган техник тавсифларга номувофиқ эканлиги аниқланган бўлса, Лизинг олувчи юқорида кўрсатилган ҳолатлар етказиб бериш шартномасида белгиланган муддатларда Етказиб берувчи томонидан бартараф этилишини таъминлайди.

3.15. Лизинг обьектига кафолатли ва кафолат муддатидан кейин хизмат кўрсатиши Етказиб берувчи ва/ёки лизинг обьектини Ишлаб чиқарувчиси томонидан Етказиб бериш шартномаси шартларига асосан амалга оширилади.

3.16. Лизинг обьектини Етказиб бериш шартномасида кўрсатилган тайинланган жойгача транспортда ташиш вақтида унинг нобуд бўлиши, йўқолиши, унга шикаст етказилиши, ўғриланиши билан боғлиқ барча хавфлар ИНКОТЕРМС-2010 шартлари ва етказиб бериш шартномасига мувофиқ товарнинг бутлиги учун жавобгарлик юкландиган томоннинг зиммасида бўлади.

3.17. Лизинг олувчи лизинг обьектини амалда олган пайтидан бошлаб унинг нобуд бўлиши, йўқолиши, унга шикаст етказилиши, ўғриланиши билан боғлиқ барча хавфлар унинг зиммасига ўтади. Лизинг обьектининг амалда олиниши Лизинг обьектини сақлашга топшириш-қабул қилиш Далолатномаси ёки Лизинг обьектини лизингга топшириш-қабул қилиш Далолатномаси билан расмийлаштирилади.

3.18. Лизинг олувчи томонидан етказиб бериш шартномаси бўйича амалга ошириладиган ва тўланадиган процедуралар билан бир қаторда Лизинг олувчи ушбу Шартнома доирасида қўйидаги процедураларни (ишларни) ҳам амалга оширади ва уларнинг ҳақини тўлайди:

3.18.1. лизинг обьектини бутун лизинг муддатига суғурта қилиш.

3.18.2. зарур бўлганда, лизинг обьектини тегишли давлат реестрларида (кадастр, техник назорат ва ш.к.) рўйхатдан ўтказиш.

3.18.3. зарур бўлганда, етказиб бериш шартномаси доирасида эгалик хукуки Етказиб берувчиidan Лизинг олувчига ўтишини нотариал тартибда расмийлаштириш.

3.18.4. лизинг объекти хорижий Етказиб берувчидан сотиб олинаётган (импорт қилинаётган) бўлса – лизинг обьектини Ўзбекистон Республикасининг божхона худудида «эркин муомала» тартибига (режимиға) божхона расмийлаштирувни амалга ошириш ҳамда қўйидаги божхона тўловлари ва йигимларини тўлаш ва қўйидаги қўшимча хужжатларни расмийлаштириш:

а) божхона декларантининг хизмат ҳақини тўлаш;

б) лизинг обьекти Ўзбекистон Республикасининг божхона худудига (Етказиб бериш Шартномасига биноан тайинланган/етказиб бериш пунктига) келиб тушган санасидан бошлаб лизинг обьектини «эркин муомала» тартибига (режимиға) божхона расмийлаштируви амалга оширилган санасига қадар лизинг обьектини божхона (божхона омборхонаси) худудида сақлаш (ушлаб туриш), тушириш ва қайтадан ортиш учун хизмат ҳақини тўлаш;

г) лизинг обьектини Ўзбекистон Республикасига импорт қилишда сертификатлаштириш ва зарур бўлган давлат ва консалтинг органларининг керакли хужжатларини олиш.

3.18.5. Юқорида кўрсатилган ишлар Лизинг берувчи томонидан мустақил тартибда ҳам учинчи шахсларни жалб қилган ҳолда ҳам амалга оширилиши мумкин.

3.19. Лизинг берувчи Етказиб бериш Шартномаси ва ушбу Шартнома доирасида Лизинг берувчининг зиммасига юкландан ташқари бошқа ишлар, процедуralар учун жавобгар бўлмайди, уларни бажармайди ва маблағ билан таъминламайди.

3.20. Лизинг олувчи Етказиб берувчи ва лизинг обьектини мустақил танлайди. Лизинг олувчи Лизинг берувчининг айбли ҳаракатлари оқибатида бундай даъволарни қўйиш учун асослар юзага келган ҳолатлардагина, лизинг обьектини етказиб бериш шартларининг бажарилиши/бажарилмаганлиги бўйича қандайдир талаблар ёки даъволарни қўйишга ҳақли бўлади.

4. Лизинг обьектини муҳофаза қилиш ва ундан фойдаланиш

4.1. Лизингнинг бутун муддати давомида лизинг обьекти Лизинг олувчи томонидан хизмат кўрсатиш манзили: Ўзбекистон Республикаси, _____ шахри, _____ тумани, _____ кўч., _____ -уда сақланади ва/ёки фойдаланилади. Юқорида кўрсатилган манзил фақат Лизинг берувчининг ёзма розилигидан сўнг ўзгартирилиши мумкин.

Лизингнинг бутун муддати давомида Лизинг олувчи лизинг обьектидан фақат унинг ишлаб чиқариш мақсадига мувофиқ фойдаланиш мажбуриятини ўз зиммасига олади.

4.2. Лизинг олувчи фойдаланиш жараёнида лизинг обьектини сақлаш ва ундан фойдаланиш йўриқномаларига мувофиқ сақлаши шарт.

Лизинг олувчи Лизинг обьектини лизингга топшириш-қабул қилиш Далолатномаси имзоланган санадан бошлаб 7 (Етти) календар куни давомида унга Лизинг берувчи томонидан у Лизинг берувчи тегишли эканлигини белгилаш мақсадида тақдим этилган ёрлик, пластинка ёки бошқа ажратиб турувчи белгиларни маҳкамлаши шарт. Ушбу белгилар осон кўзга кўринадиган бўлиши керак ва ушбу Шартноманинг амал қилиш муддати охиригача уларни ҳеч қандай вазиятда олиб ташлаш мумкин эмас. Ушбу белгилар лизинг обьектидан тасодифан олиб ташланган ёки ажраб қолган тақдирда Лизинг олувчи бу белгиларни дархол қайта тиклаши ёки янгиларини маҳкамлаб қўйиши шарт.

4.3. Лизинг олувчи лизинг обьектига уни қўллаш муддатлари ва усуллари нуқтаи назаридан ҳам, лизинг обьектини сақлаш нуқтаи назаридан ҳам эҳтиёткорона муносабатда бўлиш мажбуриятини ўз зиммасига олади.

4.4. Лизинг олувчи лизинг обьектидан фойдаланиш учун тақдим этиладиган барча зарурий рўйхатдан ўтказиш, лицензия ва бошқа талабларни ўз хисобидан бажариш, лизинг муддати вақтида амалда бўлган ва лизинг обьектини сақлаш, ундан фойдаланиш ва тутишга даҳлдор бўлган давлат ва бошқа ваколатли маъмурий органларининг барча тартибга солувчи

қоидалари ва йўрикномаларига, шунингдек, қонун ҳужжатлари, республика ва маҳаллий ҳокимият органларининг қоидалари ва қарорларига бўйсуниш мажбуриятини ўз зиммасига олади.

4.5. Лизинг олувчи лизинг обьектини ёки унинг исталган қисмини ўғриланиш, йўқолиш ёки унга шикаст етказилишидан бунинг сабабидан, етказилган зарар Лизинг олувчининг қасдан қилинган ҳаракатлари, эътиборсизлиги ёки совуққонлиги натижаси бўлишидан қатъи назар, хавфсизлантириши шарт.

4.6. Лизинг олувчи лизинг обьектини жойлаштириш, сақлаш, тутиш ва ундан фойдаланиш жараёнида одам ёки бир гурух одамлар томонидан олинадиган исталган зарар ёки шикастлар борасида Лизинг олувчига қўйилиши мумкин бўлган барча талаблар ва даъволар бўйича жавоб беради.

4.7. Лизинг обьекти Лизинг олувчи томонидан Лизинг берувчининг ёзма рухсатномаси асосида ижарага (вақтингчалик фойдаланишга) ёки субижарага берилганда, лизинг обьекти тегишли кўринишда бут сақланиши ва лизинг обьекти унинг функционал вазифасига мувофиқ қўлланиши учун жавобгарлик Лизинг олувчининг зиммасида сақланади.

5. Лизинг обьектини тутиш ҳаражатлари

5.1. Лизинг олувчи:

лизинг обьекти ишлаб чиқарувчисининг ундан фойдаланиш, хизмат кўрсатиш ва тутиш бўйича йўрикномаларига ўз ҳисобидан аниқ амал қилиши;

лизинг обьектини тегишли ҳолатда сақлаш, барча шикастланган қисмларни ишлаб чиқарувчи томонидан етказиладиган ёки тавсия этилган қисмларга алмаштириши ва лизинг обьектини жорий ва капитал таъмирлаш ишларини амалга ошириши;

лизинг обьектига хизмат кўрсатиш ва уни жорий ва капитал таъмирлаш бўйича барча ишлар турларини ўз ҳисобидан интизомли тўлаб бориши ҳамда лизинг обьектига хизмат кўрсатиш, уни сақлаш ва фойдаланиш бўйича бошқа сарф-ҳаражатларни ўз зиммасига олиши шарт.

5.2. Лизинг олувчи Лизинг берувчининг талабига кўра лизинг обьектига хизмат кўрсатиш билан шуғулланадиган учинчи ташкилотлар билан шартнома мажбуриятлари ва молиявий ўзаро муносабатларга тегишли бўлган ҳужжатларни тақдим этади.

5.3. Лизинг тўловлари Лизинг олувчи томонидан муддатидан илгари тўланган ва/ёки лизинг муддати якуналанган тақдирда Лизинг берувчи лизинг обьектини ва гаров обьектини (гаров предмети мавжуд бўлишида) сугурта қилишни давом эттириш билан боғлиқ ҳаражатларни молиялаштирамайди ва амалга оширамайди.

5.4. Лизинг олувчи томонидан барча лизинг тўловлари муддатидан илгари тўланган тақдирда ва/ёки лизинг муддатининг якунланиши Лизинг берувчи томонидан лизинг обьектини ва/ёки гаров обьектини (гаров предмети мавжуд бўлишида) сугурта қилиш бўйича навбатдаги тўлов (сугурта мукофоти) тўланганидан сўнг юз берган бўлса, Лизинг берувчи сугурта компанияси томонидан сугуртанинг ўтмаган даври учун сугурта мукофоти Лизинг берувчининг фойдасига қопланган ҳолда сугуртани муддатидан илгари тугатиш ҳуқуқига эга. Агар сугурта мукофоти Лизинг берувчи томонидан тўланган ва Лизинг олувчи уни қоплаган бўлса, бундай ҳолатда Лизинг берувчи Лизинг олувчига ва Суғурта компаниясига Лизинг олувчи Лизинг берувчига сугурта мукофоти суммасини қоплаганини ёзма равишда тасдиқлайди ва сугурта мукофотининг тегишли суммаси Лизинг олувчининг фойдасига қайтирилиши зарур.

5.5. Лизинг олувчи Лизинг берувчининг биринчи ёзма талабномаси бўйича, етказиб бериш, сотиб олиш, рўйхатдан ўтказиш, транспортда ташиш, божхонада тозалаш, созлаш, монтаж қилиш, алмаштириш, таъмирлаш билан боғлиқ бўлган барча қўшимча сарф-ҳаражатларни, давлат божига тегишли ҳаражатларни ҳамда Лизинг берувчининг лизинг

объектига даҳлдор бўлган барча бошқа ҳаражатларини қоплаш мажбуриятини ўз зиммасига олади.

6. Лизинг объектидаги ўзгартиришлар

6.1. Лизинг олувчи Лизинг берувчининг ёзма розилигисиз лизинг объектига хеч қандай қўшимчалар киритиши ёки уни ўзгартириши, шунингдек, лизинг объектининг вазифалариға ёки сифатига ўзгартиришлар киритиши мумкин эмас.

6.2. Лизинг объектига барча ўзгартиришлар ёки қўшимчалар киритишни Лизинг олувчи унинг ишлаб чиқарувчиси йўриқномалариға асосан амалга ошириши лозим. Фойдаланиш жараёнида нормал эскириш муносабати билан қисмларни алмаштириш ўзгартириш ёки қўшимча киритиш сифатида эътироф килинмайди.

7. Лизинг обьекти ўтказилишининг тақиқланиши

7.1. Лизинг олувчи лизинг обьекти Лизинг берувчининг мулки ҳисобланишини эътироф қиласи ва ушбу эгалик хукуки лизинг амалда бўлишининг бутун муддати давомида, яъни томонлар ушбу Шартнома бўйича ўз мажбуриятларини тегишлича бажариб бўлиши ва лизинг обьекти Лизинг олувчининг эгалигига ўтказилиши вақтига қадар Лизинг берувчидан сақланади.

7.2. Лизинг олувчи лизинг обьектини учинчи шахсларга ўтказиш, гаровга қўйиш ва ундан мўлжалланганидан бошқа мақсадда фойдаланиш хукуқига эга бўлмайди. Шунингдек, Лизинг олувчи Лизинг берувчининг ёзма розилигисиз лизинг обьектини ёки унинг бир қисмини ижарага (вақтинчалик фойдаланишга) бериш хукуқига эга бўлмайди.

7.3. Лизинг олувчи Лизинг олувчининг дастлабки ёзма шаклдаги аниқ розилигини олмай туриб лизинг обьектини сублизингга топширишга ҳақли эмас. Сублизинг шартномасининг хеч қандай шартлари Лизинг олувчининг ушбу Шартнома бўйича хукуқлари ва манфаатларини чеклаши мумкин эмас.

8. Лизинг обьектини йўқотиши ёки унинг шикастланиши

8.1. Лизинг олувчи лизинг обьектини ёки унинг бир қисмини амалда олган вақтдан бошлаб лизинг обьекти ёки унинг исталган қисмининг шикастланиши, ишдан чиқиши, бузилиши, ўғриланиши, тасодифан нобуд бўлиши, учинчи шахсларга зиён (зарар) етказилиши бўйича барча хавфларни, бунга нима, шу жумладан енгиб бўлмайдиган куч ҳолатлари сабаб бўлишидан қатъи назар, ўз зиммасига олади. Юқорида кўрсатиб ўтилган хавфлардан бири юзага келган тақдирда, Лизинг олувчи ўз ҳисобидан ва Лизинг берувчининг ихтиёрига кўра лизинг обьектини таъмирлаши ёки уни Лизинг берувчи учун маъқул бўлган аввалига ўхшаш бошқа исталган лизинг обьектига алмаштириб бериши ёки Лизинг берувчига лизинг обьекти ёки унинг Лизинг берувчи томонидан Етказиб берувчига тўлаб берилган қисмининг қийматини пул кўринишида қоплаб бериши керак.

Ушбу банд бўйича мажбуриятларни бажариш учун Лизинг олувчи, Лизинг берувчи томонидан Лизинг олувчига бундай хукуқ тақдим этиладиган бўлса, лизинг обьектини суғурта қилиш шартномаси бўйича тўланиши лозим бўлган пул маблағларидан фойдаланишга ҳақлидир. Лизинг берувчи бундай хукуқни тақдим этмаган тақдирда, лизинг обьектини суғурта қилиш шартномаси бўйича тўланиши лозим бўлган пул маблағлари ушбу пул маблағлари амалда келиб тушган кунда Лизинг берувчи томонидан Лизинг олувчининг навбатдаги лизинг тўловлари сифатида ҳисобга олинади.

8.2. Шикастланган лизинг обьектини таъмирлаш ёки алмаштириш факат ишлаб чиқарувчининг йўриқномалариға биноан амалга оширилиши лозим.

8.3. Лизинг объектини таъмирлаш ёки алмаштириш сабабли, шунингдек, исталган бошқа сабабдан (шу жумладан электроэнергия бўлмаганлиги учун) лизинг объекти туриб қолган вақтида лизинг тўловлари белгиланган жадвалга асосан тўлиқ микдорда тўланади.

8.4. Томонлар лизинг объектини Лизинг берувчининг ёки Лизинг олувчининг ҳисобидан «_____» суғурта компаниясида (Суғурта килувчи) Лизинг объектини лизингга топшириш-қабул қилиш Далолатномаси имзоланган кунда Лизинг берувчининг (Фойда олувчининг) фойдасига суғурта қилиш ҳақида келишиб олишди. Суғурта қалтисликларининг рўйхати Лизинг берувчи томонидан белгиланади. Лизинг берувчи суғурта компаниясининг суғурта шартномасида кўрсатилган қалтисликларнинг суғурта қопламаси бўйича мажбуриятлари узлуксиз амалда бўлиши мақсадида суғурта шартномаси бўйича суғурта мукофотлари ўз вақтида ва тўлиқ тўланишини таъминлайди.

8.5. Лизинг объектини суғурта қилиш шартномасининг шартлари бажарилишини таъминлаш мақсадида Лизинг олувчи куйидаги мажбуриятларга эга бўлади:

- Суғурта шартномаси доирасида суғурта компаниясига суғурта қопламасини тўлаш тўғрисида талабнома қўйиш учун асос бўладиган ҳодиса юз берганда у ҳақида дарҳол суғурта компаниясига ва/ёки Лизинг берувчига хабар бериш. Суғурта компанияси ва/ёки Лизинг берувчи юз берган суғурта ҳодисаси ҳақида 24 (йигирма тўрт) соат давомида хабардор қилинмаган тақдирда суғурта қопламасини тўлаш рад этилиши мумкин;

- суғурта ҳодисаси юз бериши хавфида суғурта қилинган лизинг объектини ёки унинг бир қисмини қутқариш бўйича юзага келган ҳолатда оқилона ва мумкин бўлган чораларни кўриш. Бундай чораларни кўриш вақтида Лизинг олувчи суғурта компанияси томонидан унга кўрсатмалар берилган бўлса, бундай кўрсатмаларга амал қилиши шарт;

- суғурта қилиниб, шикастланган лизинг объектини кўздан кечириш жойи, санаси ва вақтини суғурта компанияси ва Лизинг берувчи билан келишиб олиш;

- суғурта компанияси ва Лизинг берувчи билан келишилмаган ҳолда лизинг объектини ёки унинг бир қисмини демонтаж қилиш бўйича ҳеч қандай ишларни бошламаслик, бу суғурта қилинган объектдан фойдаланувчи шахсларнинг хавфсизлигини таъминлаш ёки ваколатланган органларнинг буйруқлари ва фармойишларини бажариш зарурати туфайли амалга оширилиши шарт бўлган ҳолатлар бундан мустасно;

- суғурта ҳодисаси юзага келгандан сўнг суғурта компанияси ва Лизинг берувчи билан келишилмаган ҳолда лизинг объектини таъмирлаш бўйича ҳеч қандай ишларни бошламаслик;

- суғурта ҳодисаси юзага келгандан сўнг суғурта қилинган лизинг объектини назоратсиз ва унинг янада шикастланиши ёки нобуд бўлишини олдини олиш учун кўриладиган тегишли чораларсиз қолдирмаслик;

- суғурта компаниясига содир бўлган ҳодисанинг барча ҳолатларини ўрганиш учун зарур бўлган барча хужжатларни тақдим этиш.

8.6. Лизинг олувчи юқорида кўрсатилган суғурта бўйича мажбуриятлар билан бир қаторда Лизинг олувчига нисбатан белгиланган ва суғурта шартномасида кўрсатилган барча бошқа мажбуриятларни ўз вақтида ва тўлиқ бажариши шарт.

9. Лизинг объектини қайтариш

9.1. Лизинг олувчи ўз ташаббуси билан ва Лизинг берувчининг дастлабки аниқ ёзма розилигисиз лизинг объектини Лизинг берувчига қайтариб беришга ҳақли эмас.

9.2. Лизинг олувчи Лизинг берувчи томонидан лизинг объекти учун Етказиб берувчига тўлов амалга оширилишига қадар лизинг объектидан бепул асосда воз кечиш хукукига эга. Бунда, Лизинг олувчининг воз кечиши ёзма шаклда бўлиши ва Лизинг берувчи томонидан лизинг объекти учун Етказиб берувчига тўловни амалга ошириш бошланишига қадар олинган

бўлиши керак. Қолган ҳолатларда, Лизинг олувчи лизинг обьектини қабул қилишни рад этиш хукуқига эга бўлмайди.

9.3. Лизинг берувчи томонидан лизинг обьекти учун Етказиб берувчига тўлов амалга оширилгандан сўнг лизинг обьектини қабул қилиш рад этилган тақдирда, Лизинг олувчи Лизинг берувчига лизинг обьекти қийматини ва ушбу шартноманинг 3.9-б.да кўрсатилган бошқа тўловлар ва ҳаражатларни ўзининг барча банк ҳисобварақларидан ва мол-мулкидан акцептсиз тартибда қоплаш хукуқини беради.

10. Лизинг тўловлари ва бошқа тўловлар

10.1. Лизинг тўловлари Лизинг олувчи томонидан ушбу Шартноманинг 2-сонли Иловасида кўрсатилган жадвалга мувофиқ тўланади.

10.2. Етказиб бериш шартномаси бўйича тўлов амалга оширилган вақтдан бошлаб лизинг обьектини Лизинг олувчига Топшириш-қабул қилиш далолатномаси имзоланган санасига қадар Лизинг олувчи томонидан етказиб бериш шартномаси бўйича амалда тўланган суммага ҳисобланадиган ҳар бир кун учун _____ % ҳисобидан, якуний тўлов санаси қўшилган ва Лизинг обьектини лизингта топшириш-қабул қилиш далолатномаси имзоланган санаси қўшилмаган ҳолда, ҳақ (қалтислик учун воситачилик ҳақи) тўланади. Воситачилик ҳақи ЎзР МБ тўлов кунидаги курси бўйича ҳар ойнинг 20 кунида ундирилади.

10.3. Лизинг тўловининг амалга ошириш санаси сифатида Лизинг олувчининг пул маблағлари Лизинг берувчининг ҳисоб рақамига келиб туган санаси эътироф этилади.

10.4. Лизинг олувчи ушбу Шартноманинг 2-сонли Иловасида кўрсатилган лизинг тўловларининг барчасини ёки бир қисмини исталган вақтда ҳеч қандай жарима тўламасдан мустақил равишда муддатидан илгари амалга оширишга ҳақлидир. Бунда Лизинг олувчи барча лизинг тўловларини лизинг муддатининг дастлабки 12 (ўн икки) ойида муддатидан илгари тўлиқ тўлаб бериш хукуқига эга эмас.

10.5. Лизинг олувчи лизинг муддатининг 12 (ўн икки) ои ўтганидан кейин лизинг тўловларнинг барчасини ёки бир қисмини муддатидан илгари тўлаш ниятида бўлса, Лизинг олувчи бу ҳақида Лизинг берувчини ёзма шаклда хабардор қилиши шарт.

10.6. Лизинг олувчи ушбу Шартнома бўйича Лизинг берувчига тўланиши лозим бўлган барча суммаларни кредит бериш валютасида ва/ёки Лизинг берувчининг танловига кўра, амалдаги Қонун ҳужжатларига мувофиқ ЎзР МБ тўлов кунидаги курси бўйича ва/ёки Лизинг берувчи тўлов валютасидан фойдалана олган энг яқин санада валюта бозорида ушбу санада устун бўлган валюталарни сотиб олиш курси бўйича тўлов валютасига айирбошлаш орқали биржа курси бўйича миллий валютада тўлаб бориши шарт. Бундай айирбошлаш бўйича барча сарф-ҳаражатларни, шу жумладан Лизинг берувчининг айирбошлаш санасидан бошлаб Лизинг олувчи томонидан Лизинг берувчига тўлиқ сумма қопланиши санасига қадар валюталар курси ўзгариши оқибатида юзага келган йўқотишларини қоплаш мажбурияти Лизинг олувчининг зиммасида бўлади. Бундай ҳолатда Лизинг берувчи амалга оширилган сарф-ҳаражатлар суммасини Лизинг олувчиidan сўzsиз тартибда ундириш хукуқига эга бўлади. Ушбу Шартнома бўйича Лизинг берувчига тўланиши лозим бўлган суммаларни миллий валютада тўлаш Лизинг берувчининг ёзма рухсатномаси асосидагина амалга оширилади.

10.7. Лизинг олувчи томонидан лизинг тўловларининг барчасини ваёки бир қисмини муддатидан илгари тўлаш ушбу Шартномага Кўшимча келишув тузиш ҳамда лизинг тўловларини амалга ошириш янги жадвалини тасдиқлаш ва уларни Лизинг берувчи билан Лизинг олувчи имзолаши орқали расмийлаштирилади.

10.8. Лизинг олувчи лизинг тўловларини Лизинг олувчи томонидан лизинг обьектидан амалда фойдаланишдан қатъи назар амалга оширади.

10.9. Ушбу орқали томонлар Лизинг олувчидан Лизинг берувчига келиб тушадиган барча пул маблағлари қуйидаги тартибда кирим қилиниши ҳақида келишиб оладилар, яъни:

- биринчи навбатда, асосий қарз қисмида лизинг тўловларини қоплашга;
- иккинчи навбатда, лизинг маржаси қисмида лизинг тўловларини қоплашга;
- учинчи навбатда, лизинг тўловлари кечиктирилгани учун Лизинг берувчи томонидан ушбу Шартномага мувофиқ ҳисобланган пеня суммасини қоплашга.

10.10. Ушбу Шартнома бўйича Лизинг олувчидан Лизинг берувчига лизинг тўловларини амалга ошириш сифатида келиб тушадиган барча пул маблағлари, Лизинг олувчи томонидан ушбу пул маблағларини ўтказиш учун тўлов топшириқномасида қандай лизинг тўлови кўрсатилишидан қатъи назар, Лизинг берувчи томонидан, биринчи навбатда, Лизинг берувчининг ҳисобига ушбу пул маблағлари келиб тушган санасигача Лизинг олувчи томонидан тўланиши лозим бўлган лизинг тўловларини қоплашга кирим қилинади.

10.11. Лизинг берувчи билан Лизинг олувчи ўртасида тузилган ва ушбу Шартноманинг 3.10-бандига мувофиқ Лизинг обьектини топшириш-қабул қилиш далолатномаси имзоланган санасида амалда бўлган Бўнак тўғрисидаги шартнома тузилган бўлса, Лизинг берувчи бўнак суммасини ушбу Шартномада белгиланган лизинг тўловларини амалга оширишнинг календар навбатига мувофиқ Лизинг олувчи томонидан ўтказилган лизинг ва ушбу Шартнома бўйича Лизинг олувчи тўлаши лозим бўлган бошқа тўловлар ҳисобига кирим қиласди. Кирим қилиш юқорида кўрсатилган топшири-қабул қилиш далолатномасида кўрсатилган санага амалга оширилади.

11. Пул маблағларини Лизинг олувчининг ҳисобвараклари ҳисобидан чиқариш

11.1. Лизинг олувчи томонидан Лизинг берувчига ушбу Шартномага асосан Лизинг олувчи томонидан Лизинг берувчига тўланиши лозим бўлган лизинг тўловлари ёки бошқа пул маблағларининг (пеня, жарима ва ш.к.) тўлови ушбу Шартномада назарда тутилгандан 5 (беш) календар куни ва ундан кўп муддатга кечиктирилган тақдирда, Лизинг берувчи Лизинг олувчига тегишли бўлган ҳисобваракларига хизмат кўрсатадиган барча банклардаги Лизинг олувчининг барча ҳисобваракларидан Лизинг берувчи томонидан тегишли тўлов талабномаси қўйилишидан сўнг пул маблағларини акцептсиз чиқим қилиши мумкин.

11.2. Ушбу шартнома орқали Лизинг олувчи Лизинг берувчига бундай пул маблағларини унинг ҳисобидан чиқаришга чақириб олинмайдиган акцепт (акцептсиз) тақдим этади.

12. Эгалик ҳукуқларини ўтказиши

12.1. Ушбу шартнома билан лизинг обьекти Лизинг берувчи томонидан ўз ҳисобидан сотиб олиниши ва лизинг обьектига эгалик ҳукуки унга ўтиши назарда тутилади. Лизинг обьектининг мулқдорига айланган Лизинг берувчи уни Лизинг олувчига лизингга топширади. Лизинг муддати яқунланганидан сўнг, Лизинг олувчи томонидан унинг барча мажбуриятлари ҳалол ва тўлиқ бажарилишида ва барча лизинг тўловлари тўлиқ тўланиши шартида лизинг обьекти Лизинг олувчининг эгалигига ўтказилади.

12.2. Лизинг обьектига эгалик ҳукуки, Лизинг олувчи томонидан барча лизинг тўловлари тўлиқ амалга оширилган ва Лизинг олувчининг ушбу Шартномада кўрсатилган барча бошқа мажбуриятлари тўлиқ бажарилганлиги шартида, Лизинг берувчидан Лизинг олувчига лизинг муддати яқунланган кунидан кейинги кунда ўтади.

12.3. Эгалик ҳукукининг ўтиши Дизинг берувчи билан Лизинг олувчи ўртасида эгалик ҳукуки ўтган кунида имзоланадиган тегишли далолатнома билан расмийлаштирилади.

12.4. Лизинг муддати яқунланишига қадар Лизинг олувчи томонидан ушбу Шартнома бўйича барча мажбуриятлар, шу жумладан лизинг тўловларини ўтказиш бўйича мажбуриятлар

тўлиқ ҳажмда бажарилмаган тақдирда, объектга эгалик ҳуқуқи Лизинг берувчидан Лизинг олувчига ўтказилмайди ва Лизинг берувчи лизинг объектини ўзининг мулки сифатида ўзига қайтариш (Лизинг олувчидан олиб қўйиш) ва/ёки уни учинчи шахсларга сотиш, ва/ёки ижарага бериш ва ш.к. амалга ошириш ҳуқуқига эга бўлади.

13. Ҳуқуқлар Лизинг олувчи томонидан қайта ўтказилиши

13.1. Ушбу Шартнома аниқ Лизинг олувчига бевосита тааллуқли бўлганлиги сабабли, Лизинг олувчи ушбу Шартнома бўйича ўзига тегишли ҳуқуқлар ва мажбуриятларни ёки ундан юзага келадиган манфаатларни Лизинг олувчининг ёзма шаклдаги аниқ розилигисиз учинчи шахсларга қайта ўтказишга ҳақли эмас.

14. Лизинг берувчи томонидан ўз ҳуқуқларини ўтказиш

14.1. Ўзбекистон Республикасининг амалдаги қонун ҳужжатлари доирасида Лизинг берувчи Лизинг олувчини хабардор қилган ва Лизинг берувчининг ҳуқуқларини бошқа шахс фойдасига ўтказиш тўғрисида алоҳида шартнома тузган ҳолда ҳолда, ушбу Шартнома бўйича ўз ҳуқуқлари ва мажбуриятларини тўлиқ ёки қисман учинчи шахсларга ўтказиши мумкин.

15. Лизинг олувчи томонидан лизинг тўловлари амалга оширилишини таъминлаш

15.1. Томонлар Лизинг олувчининг ушбу Шартнома бўйича мажбуриятлари бўйича, Лизинг объектини топшириш-қабул қилиш далолатномасини имзолаш санасига Лизинг олувчи қўйида келтирилган қўшимча таъминотни:

_____ , _____ сўм
миқдоридаги келишилган гаров қиймати бўйича тақдим этишига рози бўлишди.

15.2. Лизинг олувчи/гаровга қўювчи ташабbusi билан гаров таъминоти алмаштирилган тақдирда, Лизинг олувчи Лизинг берувчи олдидаги мажбуриятлари қолдигининг 1% миқдорида воситачилик ҳакини тўлаш мажбуритияни олади.

16. Лизинг объектини талаб қилиб олиш, муҳрлаш ва ш.к.

16.1. Лизинг олувчининг Лизинг берувчи олдида лизинг тўловларини амалга ошириш бўйича кечиктирилган қарздорлиги ушбу Лизинг шартномаси шартларига мувофиқ, шу жумладан ушбу Шартноманинг 2-сонли Иловасида кўрсатиладиган лизинг тўловлари жадвалига асосан тўланиши лозим бўлган учта кетма-кет лизинг тўловлари жамламасини ёки ундан кўп миқдорни ташкил этса, Лизинг берувчи лизинг объектини Лизинг олувчидан талаб қилиб олиш ва уни Лизинг берувчи томонидан танланган жойга жойлаштириш ҳуқуқига эга.

16.2. Лизинг объектини олиб қўйиш учун лизинг объектини демонтаж қилиш ва транспортда ташиш талаб қилинса, бу ишларни бажариш ва маблағ билан таъминлаш томонларнинг келишувига кўра амалга оширилади. Томонлар бу масалада Лизинг олувчи томонидан Лизинг берувчидан лизинг объектини талаб қилиб олиш тўғрисида ёзма талабнома олинган санадан бошлаб 5 (беш) календар куни давомида ўзаро келишувга эриша олмаган тақдирда, лизинг объектини демонтаж қилиш ва транспортда ташиш ишлари Лизинг берувчи томонидан бажарилади. Бунда, Лизинг берувчи томонидан амалга оширилган барча сарф-харажатлар Лизинг олувчи Лизинг берувчининг бу харажатларни қоплаш тўғрисидаги ёзма талабномаси олган санасидан 5 (беш) банк куни давомида Лизинг олувчи томонидан қопланади.

16.3. Лизинг берувчи лизинг объектини унинг Лизинг олувчига тегишли бўлган жойлашган ерида Лизинг олувчи томонидан Лизинг берувчидан лизинг объектини талаб қилиб

олиш тўғрисида ёзма талабнома олинган санасидан бошлаб уни амалда олиб қўйиш вақтигача муҳрлаб қўйиш хуқуқига эга.

16.4. Лизинг олувчи лизинг обьекти Лизинг берувчи томонидан амалда олиб қўйилган вақтигача бут сақланиши учун тўлиқ жавобгар бўлади. Бунда Лизинг олувчи Лизинг олувчига ва/ёки унинг вакилларига улар томонидан лизинг обьектини олиб қўйиш билан боғлиқ ишлар ва тадбирлар бажарилишида тўсқинлик қилмаслик, шу жумладан барча зарурӣ ишлаб чиқариш ваофис хоналарига кириш, шу жумладан зарурӣ маҳсус техникадан фойдаланиш имкониятини таъминлаш мажбуриятини ўз зиммасига олади.

16.5. Лизинг обьекти олиб қўйилган ёки муҳрланган вақтдан бошлаб Лизинг берувчи уни учинчи шахсларга сотиш ва/ёки ижарага бериш хуқуқига эга.

16.6. Ушбу бўлимда баён қилинган лизинг обьектини талаб қилиб олиш ва олиб қўйиш тартиби Лизинг берувчи ушбу шартнома шартлари бўйича шунга ҳақли бўлган барча ҳолатларда қўлланади.

17. Ахборот тақдим этиш, назорат қилиш

17.1. Лизинг берувчи бутун лизинг муддати давомида исталган вақтда Лизинг олувчидан унинг молиявий, мулкий, хўжалик ҳолатига, лизинг тўловларини амалга ошириш истиқболларига, лизинг обьектининг ҳолатига дахлдор бўлган ҳамда учинчи шахслар билан ушбу Шартнома предметига оид ўзаро муносабатларга тегишли ахборотлар ёзма шаклда тақдим этилишини ва/ёки хужжатлар нусхаларини талаб қилишга ҳақли. Лизинг олувчи Лизинг берувчининг талабига кўра Лизинг берувчидан ёзма сўровнома олинган санадан бошлаб 5 календар куни ичидаги Лизинг берувчига сўровномада кўрсатилган ахборот ва хужжатларни Лизинг берувчига тақдим этиши шарт.

17.2. Лизинг олувчи, барча ҳаражатлар ҳамда лизингни амалга ошириш билан боғлиқ бўлган техник ва бошқа муҳим тафсилотларни аниқлаш имкониятини таъминлайдиган ҳисоб (электрон ҳисоб, китоблар ва хужжатларни) юритиши шарт.

17.3. Лизинг берувчи исталган вақтда ва ўзи белгилайдиган шаклда Лизинг олувчида лизинг обьекти фойдаланилишини текширувдан ўтказишга ҳақлидир. Текширув доирасида Лизинг берувчи китоблар ва лизингни амалга ошириш учун муҳим бўлган барча бошқа хужжатлар билан танишиш ҳамда лойиҳа (лизинг) ва уни янада ривожлантириш тўғрисида маълумотлар тақдим этилишини талаб қилишга ҳақли.

17.4. Лизинг олувчи Лизинг берувчининг ходимларини мақсадли текширувларни ўтказиш ва лизинг обьектининг ҳолатини баҳолаш учун хизмат, ишлаб чиқариш, омборхона ва бошқа биноларига киритиш мажбуриятини ўз зиммасига олади.

17.5. Лизинг олувчи ушбу Шартноманинг мақсадига эришишга, айниқса лойиҳани (лизинг) амалга ошириш ёки ундан фойдаланишга аҳамиятли таъсир этадиган ёки унга эришмаслик хавфини юзага келтирадиган барча ҳолатлар ҳақида ўз ташабbusи билан Лизинг берувчини дарҳол хабардор қилиши шарт.

17.6. Лизинг олувчи ушбу Шартнома амалда бўлган даврда дастлаб Лизинг берувчи билан келишилмаган ҳолда, Лизинг олувчининг молиявий ва мулкий ҳолатига дахл қиласидиган, лизинг мақсадига эришиш жараёнига салбий таъсир этиши мумкин бўлган хуқуқий ёки иқтисодий хусусиятдаги ҳеч қандай ўзгартиришларни амалга оширмаслик мажбуриятини ўз зиммасига олади.

17.7. Лизинг берувчи Лизинг олувчининг молиявий ҳолатини, лизинг обьектининг жойлашган ери ва ҳолатини текшириш ва Лизинг олувчи томонидан ўз зиммасига олинган мажбуриятлар ушбу шартноманинг амалда бўлиш бутун давомида бажарилишини назорат қилиш хуқуқига эга.

17.8. Лизинг берувчи Лизинг олувчининг хужжатларини ёки лизинг объектини текширувдан ўтказиш нияти ҳақида Лизинг олувчини режалаштирилаётган текширув вақтидан камидан 24 соат олдин хабардор қилиш мажбуриятини ўз зиммасига олади.

18. Лизинг берувчининг бошқа ҳуқуқлари

18.1. Куйида кўрсатиб ўтилган вазиятлар юзага келганда, яъни:

а) Лизинг олувчининг фаолияти тўхтатилиши ёки тўхтатиш хавфи юзага келишида;

б) Лизинг олувчининг банкротлиги ёки банкротлик хавфи юзага келишида;

в) Лизинг олувчи тугатилиши ёки тугатиш хавфи юзага келишида;

г) Лизинг олувчига нисбатан суд даъвоси қўзғатилиши ёки Лизинг олувчининг молмулкига қарз қопланишини таъминлаш мақсадида банд солиниши (бу лизинг объектига тааллуқли бўлиши/бўлмаслигидан қатъи назар), ёхуд Лизинг олувчини тугатиш тўғрисида суд фармойиши мавжуд бўлишида,

Лизинг берувчи Лизинг олувчига дастлабки хабарномани юбормасдан куйида кўрсатиб ўтилган чоралардан исталганини ёки барчасини амалга ошириши мумкин, яъни:

- Лизинг олувчидан ушбу Шартномада назарда тутилган лизинг тўловларининг бир кисмини ёки тўлиқ суммасини дарҳол тўлашни талаб қилиш. Бундай ҳолатда Лизинг берувчи Лизинг олувчига тегишли бўлган ҳисобваракларига хизмат кўрсатадиган барча банклардаги Лизинг олувчининг барча ҳисобваракларидан Лизинг берувчи томонидан тегишли тўлов талабномаси қўйилишидан сўнг пул маблағларини акцептсиз чиқим қилиши мумкин;

- шартнома бекор қилинишини талаб қилиш ва заарларни ундирган ҳолда лизинг объектини қайтариб олиш (олиб қўйиш).

19. Лизинг обьекти Лизинг берувчи томонидан сотиб олиниши

19.1. Лизинг берувчи Лизинг олувчи томонидан ушбу Шартнома бўйича барча дастлабки шартлар тўлиқ бажарилган санасидан 30 (ўттиз) календар қуни давомида, лизинг объектини етказиб бериш бўйича Лизинг берувчи билан Лизинг олувчи ўртасида келишилган, шу жумладан ушбу Шартномада акс эттирилган асосий шартларни ҳисобга олган ҳолда, Етказиб берувчи (Сотувчи) билан етказиб бериш шартномасини тузиш мажбуриятини ўз зиммасига олади. Лекин, бу муддат Лизинг берувчи, Лизинг олувчи ва Етказиб берувчи ўртасида етказиб бериш шартномаси матнини келишиш муддатларига қараб узайтирилиши мумкин.

19.2. Лизинг берувчи Лизинг олувчи томонидан ушбу Шартнома бўйича барча дастлабки шартлар бажарилишигача Етказиб берувчи билан етказиб бериш шартномасини тузиш ҳукуқига эга.

19.3. Лизинг берувчи тўловларни Лизинг берувчи билан Етказиб берувчи ўртасидаги етказиб бериш шартномасида кўрсатилган тартибда ўз вақтида ва тўлиқ ўтказиш ҳамда етказиб бериш шартномасидан келиб чиқадиган барча бошқа мажбуриятларни бажариш мажбуриятини ўз зиммасига олади.

19.4. Лизинг берувчи Лизинг олувчи томонидан ушбу Шартнома бўйича барча дастлабки шартлар (биринчи лизинг тўлови, қўшимча таъминотни расмийлаштириш ва ҳ.к.) тўлиқ бажарилгандан кейингина Етказиб берувчига тўловларни ўтказа бошлайди ва/ёки Етказиб берувчи билан ҳисоб-китоблар мақсадида айирбошлаш учун ва/ёки аккредитив шакли учун маблағларни захиралаш ва ҳ.к. амалга оширади.

20. Томонларнинг жавобгарлиги

20.1. Лизинг берувчи ушбу шартнома бўйича ўз мажбуриятларини бажармаганлиги учун, бундай ҳолат Лизинг олувчи ёки Етказиб берувчининг ҳаракатлари ва/ёки ҳаракатсизлиги сабабли юз берган бўлса ҳар қандай жавобгарликдан озод бўлади.

21. Шартноманинг амал қилиш муддати

21.1. Ушбу шартнома Лизинг берувчи билан Лизинг олувчи томонидан имзоланган вақтдан бошлаб кучга киради.

21.2. Шартнома томонлар ушбу Шартноманинг шартларидан келиб чиқадиган барча мажбуриятларини тегишлича бажариши вақтига қадар ҳақиқийдир.

21.3. Лизинг берувчи ушбу Шартномада кўрсатилган ҳолатларда ушбу Шартномани бир томонлама тартибда бекор қилишга ҳақлидир.

21.4. Томонлардан ҳеч бири ушбу Шартнома кучга кирган санасидан 90 (тўқсон) календар куни давомида ушбу шартнома доирасида ҳеч қандай молиявий ҳаракатларни амалга оширгмаган бўлса, у ўз-ўзидан юридик кучини йўқотади.

22. Форс-мажор

22.1. Томонлар ушбу Шартнома бўйича мажбуриятларини қисман ёки тўлиқ бажармаганлиги учун, бундай бажармаслик форс-мажор ҳолатлари, яъни – ёнғин, сув тошқини, уруш, иш ташлаш, ҳарбий ҳаракатлар, фуқаролик тартибсизликлари, ҳокимият томонидан аралашув, қонун хужжатларидаги ўзгаришлар ва ш.к., шунингдек, амалдаги қонун хужжатлари бўйича форс-мажор сифатида эътироф қилинадиган бошқа ҳолатлар оқибатида юз берган ва бу ҳолатлар мазкур шартнома бажарилишига бевосита таъсир этган бўлса, жавобгарликдан озод қилинадилар. Шунингдек, Томонлар Ўзбекистон Республикасининг миллий валютасини айирбошлаш тўлиқ ёки вақтинчалик тўхтатилганини, белгиланган муддатларга нисбатан кечиктирилганини, ушланиб қолинганини форс-мажор ҳолати сифатида эътироф қилишади. Бундай ҳолатда Шартномада кўрсатилган мажбуриятларни бажариш бўйича белгиланган муддатлар форс-мажор ҳолатлари амалда бўлган даврга узайтирилади.

22.2. Шу билан бирга, ушбу Лизинг Шартномаси имзоланганидан кейин кучга кирган ва унинг бажарилишига тўсқинлик қиласидиган меъёрий-хукуқий хужжатлар ҳам форс-мажор ҳолатлари ҳисобланади.

22.3. Форс-мажор ҳолатлари сабабли Шартнома бўйича мажбуриятларини бажариш имконсиз бўлиб қолган томон бошқа томонни улар бошланган ва тутаган вақтидан бошлаб 10 (үн) календар кунидан кечиктирмаган ҳолда юқорида кўрсатилган ҳолатлар бошланиши ва тугаши ҳақида ёзма равишда хабардор қилиши шарт.

23. Якуний қоидалар

23.1. Лизинг олувчининг Лизинг берувчи олдидағи ушбу лизинг шартномасидан келиб чиқадиган мажбуриятлари тўлиқ бажарилган тақдирда, Лизинг берувчи ушбу лизинг шартномаси шартларига мувофиқ лизинг объектини тузилган гаров шартномаси бўйича мажбуриятлардан озод қилиш ва лизинг объектига нисбатан эгалик хукуқини Лизинг берувчига бериш мажбуриятини ўз зиммасига олади.

23.2. Томонлар ушбу Шартномадан ёки унга боғлиқ келиб чиқиши мумкин бўлган барча низоларни музокаралар йўли билан ҳал этишга интилишади. Томонлар ўзаро келишувга эришмаган тақдирда улар ўртасидаги низо Ўзбекистон Республикасининг амалдаги қонун хужжатларида белгиланган тартибда Тошкент туманлараро иқтисодий судида ҳал этилади.

23.3. Шартнома томонларнинг белгиланган тартибда расмийлаштирилган ёзма келишувига кўра тўлдирилиши ёки ўзгартирилиши мумкин.

23.4. Ушбу Шартномага барча иловалар ва қўшимчалар унинг ажралмас қисми хисобланади.

23.5. Ушбу Шартнома бир хил юридик кучга эга бўлган икки нусхада тузилди ва томонларнинг ҳар бири учун биттадан берилди.

Томонларнинг юридик манзили, банк реквизитлари, имзоси ва муҳри:
«Лизинг берувчи»: _____

«Лизинг олувчи»: _____

Ф.И.О. _____

лавозими

Ф.И.О. _____
Бош бухгалтер

Ф.И.О. _____

АТБ «InFinBANK» ва _____ ўртасида тузилган
20 ____ йил «____» _____ даги _____ -сонли Лизинг шартномасига
1-сонли ИЛОВА

Лизинг обьекти:

№	Таърифи	Лизинг обьекти қиймати	Миқдори
1			
2			

(лизинг обьекти ва унинг спецификацияси Лизинг олувчи томонидан мустақил белгиланди)

Лизинг обьектининг техник хусусиятларининг тафсилотлари Лизинг обьектини топшириш-қабул қилиш далолатномасида кўрсатилади.

Томонларнинг юридик манзили, банк реквизитлари, имзоси ва муҳри:

«Лизинг берувчи»: _____

«Лизинг олувчи»: _____

лавозими

Ф.И.О. _____

Бош бухгалтер

Ф.И.О. _____

АТБ «InFinBANK» ва _____ ўртасида тузилган
20___йил «___» _____даги _____-сонли Лизинг шартномасига
2-сонли ИЛОВА

*Қатый белгиланган түлов жадвали лизинг объектини фойдаланишга топшириш-қабул қилиш далолатномаси имзоланғандан кейин, ЎзР МБ лизинг объекти эркин муомалага чиқариш тартибига (режимига) БЮД (ИМ-40) расмийлаштирилиши санасига белгиланган курси бўйича расмийлаштирилади. Бир нечта фойдаланишга топшириш-қабул қилиш далолатномалари тузилган ҳолда, түлов жадвали ҳар бир далолатномага алоҳида тузилади.

Томонларнинг юридик манзили, банк реквизитлари, имзоси ва муҳри:

«Лизинг берувчи»:

«Лизинг олувчи»:

ПАВОЗИМИ

Ф.И.О.

Бош бухгалтер

Ф.И.О.